



PAYALT'AAN UTI'AL U TS'ÁABAJ MÁAKO'OB MÚUCH'TANBALNÁALO'OB TI' U MÚUCH'TAMBALIL K'ÁATCHI'IL TI' LE MOLA'AYILO' TI' U TS'A'ABAL K'AJÓOLTBIL NU'UKBEST'AAN YÉETEL U KALANTA'AL U DATO'OB MÁAKO'OB TI' QUINTANA ROO.

U NOJ JALA'CHIL TI' LE MÚUCH' JO'OLPÓOPILO'OBO' TI' LE KA'A JA'ABO' TI' U MEYAJIL NOJ A'ALMAJT'AAN TI' LE H. XVII A'ALMAJIL TI' U NOJ LU'UMIL JÁALK'ABIL YÉETEL TSIKBE'ENIL TI' QUINTANA ROO, JE'EL BIX LE JATSTS'ÍIBILO'OB 68, 72 YÉETEL ULÁAK'OB YAAN U YIL YÉETEL TS'A'ABANO'OB TI' LE A'ALMAJT'AANILO' TI' U SÁASILKUNTA'AL YÉETEL U TS'A'ABAL K'AJÓOLTBIL NU'UKBEST'AAN TI' KAAJ UTI'AL U NOJ LU'UMIL TI' QUINTANA ROO.

KU PAYALT'AANTIK

U Noj Naajil Xook Xma' bo'olil yéetel ti' Bo'olil wey t Noj Lu'uma', je'el bix le múuch'kabilo'ob ti' máako'ob a'almajt'aanta'al je'el bix jets'a'an ti' le a'almajil yóok'lal le je'elo', yéetel le ba'ax ku kaxantiko'ob unaj yaan u yil yéetel u k'a'aytajil yéetel ku kalantik u páajtalil máako'ob wa u sásasil, a tan óoltik tak ka'ap'éeel túuxt'aano'obo' uti'al u kuuchil ti' Máak Múuch'tambalnáal ti' le Múuch'tambalil K'áatchi'il ti' le Mola'ayilo' ti' u Ts'a'abaj K'ajóoltbil nu'ukbest'aan yéetel u Kaláanta'al u Dato'ob Máako'ob ti' Quintana Roo.

Je'el bix jets'anil ti' le jatsts'íibilo' 21 ti' u Noj A'almat'aanil ti' u Noj Lu'um Jáalk'abil yéetel Tsiikbe'enil ti' Quintana Roo yéetel ti' le jatsts'íibilo' 68 ti' u A'almat'aanil ti' Sásilkunta'al yéetel u Ts'a'abal K'ajóoltbil nu'ukbest'aan ti' kaaj uti'al u Noj Lu'umil Quintana Roo, yéetel le Mola'ayil u Ts'a'abal K'ajóoltbil Nu'ukbest'aan yéetel u Kaláantik u Dato'ob Máako'ob ti' Quintana Roo unaj u yaantal ti' jump'éeel Múuch'tambalil K'áatchi'il yaan u meyajil je'el bix múuch'meyaj yéetel jejeláasil, ti' tsoolt'aan yéetel áantajil, ti' le je'ela' yaan u táakpajal kantúul múuch'tambalnáal, juntúul ichile le je'elo'obo' yaan u beetikubaj



Jala'ach, yéetel u yéeybalil ti' le máaxo'ob táakpaja'ano'obo', láayli' máak yaan u xaantal ka'ap'éel ja'ab yéetel je'el u páajtal u ka' yéeykuba'. Le máako'ob Múuch'tambalnáalo'ob yaan u yéeyalo'ob yéetel u yéeybil ti' le ka'ajaats ti' óoxjaats ti' le máaxo'ob táakpaja'ano'ob ti'ano'obi' ti' le A'almajil ti' le Noj Lu'umo', yaan u yaantal ti'ob tsikbe'enil yéetel yaan u xaantalo'ob ti' u kuucho'ob jump'éel jatsk'iinil ti' kamp'éel ja'abo'ob.

Le bix kun beetbil le ts'a'abalilo' unaj u táan óoltik u kéetelil xiib yéetel ko'olel, yéetel yaan u beetpajal je'el bix le je'elo'oba':

CHÚUNILO'OB

YÁAX. Le ba'axo'ob ti' yéeybil uti'al u beetubaj x-Múuch'tambalnáal wa j-Múuch'tambalnáal ti' U Múuch'tambalil K'áatchi'il ti' u Mola'ayil ti' U Ts'áabal K'ajóoltbil Nu'ukbest'aan yéetel U Kalanta'al u Dato'ob Máako'ob ti' Quitana Roo, ku jets'ik le jaatsts'íibil 68 ti' le A'almat'aanil ti' U Sáasilkunta'al yéetel u Ts'áabal K'ajóoltbil Nu'ukbest'aan ti' Kaaj uti'al u Noj Lu'umil ti' Quintana Roo yéetel le ba'axo'ob k'abéeto' uti'al u ye'esik u beetiko', le je'elo'oba':

I. U yaantal ti' u lu'unhabilil mexicoe'.

Le je'ela' ku ye'esa'al yéetel u ju'unil ku ye'esik tu'ux síijnaji' yéetel u yóochel jala'acht'anta'an tumen ja'alach yaan u páajtalil ti'ob wa tumen juntúul notario público.

II. Unaj u kajtalil kex lajump'éel ja'ab wey t Noj Lu'umo'.

Le je'ela' ku ye'esa'al yéetel jump'éel yáax jala'achju'un ti' kajnáal ts'áaba'an tumen u jala'achil kaaj k'a'ana'ano'obo'.

III. Ka yanak ti' u k'a'abetkúunsik tuláakal u almejen páajtalilo'ob yéetel u lu'unkab páajtalilo'ob.

Le je'ela' ku ye'esa'al yéetel u ju'unil ku ya'alike' yaan u ya'alik jach u jaajili' tu'ux ku ye'esik le máax táak u táakpajal ku k'a'abetkúunsik tuláakal u almejen páajtalilo'ob yéetel lu'unkab páajtalilo'ob.



IV Ka yanak ti' jump'éel ma'alob tojkuxtal jach chímpolta'ab tumen kaaj.

Le je'ela' ku ye'esa'al yéetel óoxp'éel ju'un ti' k'ubent'aan ku ye'esiko'ob u chímpolal kaj yo'olal u meyajo'ob.

V. U kamaj jach ma'alob meyaj yo'olal le A'almat'aanil ti' U Sáasilkunta'al yéetel U Ts'a'abal K'ajóoltbil Nu'ukbest'aan ti' Kaaj uti'al u Noj Lu'umil Quintana Roo yéetel u páajtalil máako'ob.

Le je'ela' ku ye'esa'al yéetel jump'éel jejeláas jala'achju'uno'ob ku ye'esiko'ob le u kaanmo' táan óolta'an u yáax ju'unil yéetel u yóochelil uti'al u kéeta'al wa ku k'abéetkúunsa'al jump'éel óochel jala'acht'anta'an tumen notario público.

VI. Ma' u yaantal ti' kuuch yéeya'an tumen kaaj.

Le je'ela' ku ye'esa'al yéetel u ju'unil ku ya'alike' yaan u ya'alik jach u jaajili' tu'ux ku ye'esik le máax táak u táakpajal mina'an ti' le kuuch je'elo'.

VII. Ma' u ja'alachkúuntik mix jump'éel almejen mola'ayi'.

Le je'ela' ku ye'esa'al yéetel u ju'unil ku ya'alike' yaan u ya'alik jach u jaajili' tu'ux ku ye'esik le máax táak u táakpajal mina'an ti' le kuuch je'elo'.

KA'AP'ÉEL. Le tuukulo'ob kun ts'áabal k'aj óoltbil unaj u yaantalo'ob jach ma'alob tsola'ano'ob yéetel le ju'uno'ob ku ye'esiko'ob tu láakal le ba'axo'ob jets'ano'ob ti' le jaatsts'iibilo' 68 y'etel 72 ti' u A'almajt'aanil ti' u Sáasilkunta'al yéetel u Ts'a'abal K'ajóoltbil Nu'ukbest'aan ti' Kaaj uti'al u Noj Lu'umil Quinta Roo, ichil le ba'axo'ob ku taalo'ob:

1. Jump'éel ts'iibil uti'al u ts'iibta'al tak ka'atúul máak uti'al u táakpajal ichil U Múuch'tambalil K'áatchi'il ti' u Mola'ayil ti' U Ts'a'abal K'ajóoltbil Nu'ukbest'aan yéetel u Kalanta'al u Dato'ob Máako'ob ti' Quintana Roo yéetel u k'áaba' yéetel u joronts'iibil ti' le máak ku táan óoltik a'almajil ti' u Mola'ay ti' Ka'anal Xoox xma' bo'olil wa ti' bo'olil, wa bey xane', ti' le múuch'kabilo'ob ti' máako'ob



a'almajt'aanta'al je'el bix jets'a'an ti' le a'almajil yóok'lal le je'elo', yéetel le ba'ax ku kaxantiko'ob unaj yaan u yil yéetel u k'a'aytajil yéetel ku kalantik u páajtalil máako'ob wa yéetel sáaskunaj u yaantal ti':

- a) U k'áaba' wa u k'áaba'ob ti' le máako'ob ku tuukulta'al u ts'a'abalo'ob;
- b) Jump'éeel correo electrónicoil uti'al u ka'ama'al ts'íibju'uno'ob, wa ma' tu beeto'ob le ts'íibju'uno'ob yaan u beeta'al ti' u kúuchil ti' le Noj Béeytalil A'almajil, yéetel electrónicail ti' le página web ti' le Noj Béeytalil A'almajil ti' u Noj Lu'umil Quintana Roo, yéetel
- c) Ka'ap'éeel xookilo'ob ti' nu'ukulil t'aan uti'al u kaxanta'al.

Jump'él ts'íibil ti' jujúuntulil ti' le máako'ob tukuulta'al u ts'a'abalo'ob, yéetel u k'áaba' yéetel u joronts'íibil, uti'al u Noj Mola'ayil ti' P'isil A'almajilo'ob yéetel Técnica Parlamentariail ti' le U Jach Utsil XVII ti' A'almajil ti' Noj Lu'um, tu'ux kun ya'alike' u éejenil uti'al u táakpajal ti' le bix kun yúuchul le ts'a'abalilo', unaj u ts'ájiko'ob xan jump'éeel xookil ti' nu'ukulil t'aan uti'al u kaxanta'al, u curriculum vitae' yéetel le ju'uno'obo' ku ye'esiko'ob le ba'ax ku ya'alik le curriculumo'. Wa ma' chukani' tuláakal le ju'uno'obo' ku ya'alik le curriculum vitae' chéen yéetel le je'elo' ma' tun chíimpol'ta'ab le curriculum vitae'.

2. **Bey xane' unaj u ts'áik ti' le ts'íibilo' u yochel ti' u chíikul ju'unil jala'acht'anta'an, le je'ela' je'el u páajtal u ye'esik je'el máakalmáake' ichil le je'elo'oba':**

- a) Le chíikul ju'unilo' ti'an ichil u k'iinilo'ob u meyaj uti'al yéeytambal, ts'aba'an tumen u Noj Mola'ayil ti' Yéeytambalil;
- b) Le nojlu'unju'unilo' ti'an ichil u k'iinilo'ob u meyaj, ts'aba'an tumen u Noj Mola'ayil ti' Relaciones Exteriores;
- c) Le chíikul ju'unilo' ti' u ka'anal xook ti'an ichil u k'iinilo'ob u meyaj yéetel u yóochelil, ts'aba'an tumen u Noj Mola'ayil Educación Pública, wa



d) Le chíikul ju'unilo' ti'an ichil u k'iinilo'ob u meyaj ts'aba'an tumen u Noj Mola'ayil ti' Nojoch Máako'ob.

3. U Yóochelil yéetel u Yáax ju'unil uti'al u kéeta'al wa u yóochelil jala'acht'anta'an tumen notario público ti' le ju'uno' ku ye'esik u ts'iibmubaj le Mola'ayil ti' Ka'anal Xook xma' bo'olil yéetel ti' bo'olil wa beyo', u noj ju'unil tu'ux u múuch'kba'ob ti' le Múuch'kabilo'ob ti' máako'ob a'almajt'aanta'al je'el bix jets'a'an ti' le a'almajil yóok'lal le je'elo' yéetel le ba'ax ku kaxantiko'ob unaj yaan u yil yéetel u k'a'aytajil yéetel ku kalantik u páajtalil máako'ob wa yéetel sáaskunaj, ku ya'alike'.

4. U Yóochelil yéetel u Yáax ju'unil uti'al u kéeta'al wa u yóochelil jala'acht'anta'an tumen notario público ti' le ju'uno' ku ye'esik le máak wa máako'ob ku áaktantiko'ob a'almajilo'ob ti' le Mola'ay ti' Ka'anal Xook xma' bo'olil yéetel bo'olil, wa bey xan, ti' le Múuch'kabilo' ti' máako'ob a'almajt'aanta'al je'el bix jets'a'an ti' le a'almajil yóok'lal le je'elo' yéetel le ba'ax ku kaxantiko'ob unaj yaan u yil yéetel u k'a'aytajil yéetel ku kalantik u páajtalil máako'ob wa yéetel sáaskunaj, yéetel yaan u ts'a'abal xan jump'éeel óochel ti' chíikul ju'unil jala'achi'ta'an ti' le máak wa máako'ob ku áaktantiko'ob, le je'ela' je'el u páajtal u ye'esik je'el máakalmáake' ichil le je'elo'oba':

- a) Le chíikul ju'unilo' ti'an ichil u k'iinilo'ob u meyaj uti'al yéeytambal, ts'aba'an tumen u Noj Mola'ayil ti' Yéeytambalil;
- b) Le nojlu'unju'unilo' ti'an ichil u k'iinilo'ob u meyaj, ts'aba'an tumen u Noj Mola'ayil ti' Relaciones Exteriores;
- c) U chíikul ju'unilo' ti' u ka'anal xook ti'an cihil u k'iinilo'ob u meyaj yéetel u yóochelil, ts'aba'an tumen u Noj Mola'ayil Educación Pública, wa
- d) Le chíikul ju'unilo' ti'an ichil u k'iinilo'ob u meyaj ts'aba'an tumen u Noj Mola'ayil ti' Nojoch Máako'ob.



5. U avisoil ti' privacidad integral yéetel u k'áaba' yéetel u joronts'iibil ti' le máak ku áaktantiko'ob a'almajilo'ob ti' le Mola'ayil ti' Ka'anal Xook xma' bo'olil yéetel bo'olil, wa bey xane', ti' le múuch'kabilo'ob ti' máako'ob a'almajt'aanta'al je'el bix jets'a'an ti' le a'almajil yóok'lal le je'elo', yéetel le ba'ax ku kaxantiko'ob unaj yaan u yil yéetel u k'a'aytajil yéetel ku kalantik u páajtalil máako'ob wa yéetel sáaskunaj, le je'ela' je'el u páajtal u yensa'al ti' le página web ti' U Noj Mola'ayil A'jjets' A'almajt'aano'obil ti' Quintana Roo <https://www.congresoqroo.gob.mx/estrados/>

6. Le máako'ob ku áaktantiko'ob' le much'kabilo'ob ti' kajnáalo'ob yéetel ti' noj najil xooko'ob je'el u páajtal u ya'aliko'ob yéetel u ts'iibilo'ob u suutukil u táan óoltiko'ob u pa'ajóolil, u kúuchil uti'al u yu'ubiko'ob yéetel u k'amiko'ob ts'iibtju'unil. Je'el bixake' le ts'iibtju'uno'ob yaan u ts'a'abal k'ajóoltbil jach u ju'unil ti' u kúuchil ti' u Noj Béeytalil A'almajil, je'el bix xan electrónicail ti' u portal ti' U Noj Mola'ayil A'jjets' A'almajt'aano'obil ti' Quintana Roo <https://www.congresoqroo.gob.mx/>.

Wa le ju'uno'obo' ku ye'esiko'ob u kanmaj ma'alob yóok'lal u A'alamat'aanil ti' u Sáasilkúunta'al yéetel U Ts'a'abal K'ajóoltbil Nu'ukbest'aan ti' Kaj uti'al u Noj Lu'umil Quintana Roo yéetel ti' u páajtalil máako'ob, je'el bix le ju'uno'obo' ku múuch'ik u curriculum vitae'. Le jala'achju'un unaj u ye'espajal ti' óochel yéetel u yáax ju'unil uti'al u kéeta'al wa u yóochel jala'achtanta'al tumen juntúul notario públicoil

Le tuukulo'ob unaj u jach ma'alob ts'iibta'an tumen le aj-áaktantiko'ob a'alamajilo'ob ti' le noj najil xooko'ob xma' bo'olil yéetel ti' bo'olil wey t Noj Lu'uma', wa bey xane' ti' le múuch'kabilo'ob ti' kajnáalo'ob, uti'al u Noj Mola'ayil ti' P'isil A'almajilo'ob yéetel Técnica Parlamentariail, yéetel je'el u páajtal u ts'a'abal k'ajóoltbil ichil u jo'op'éel k'iin meyaj ku tal tu paach, xooka'ano'ob tu paach k'iin ti' u k'iinil u ts'a'abal k'ajóoltbil le Payalt'aana' ti' u Tsalaj Noj Jala'ach ti' u Noj Lu'umil ti' Quintana Roo, ti' u ka'ap'éelil tsalaj jach ku xo'okoj



wey t Noj Lu'um yéetel u partal ti' U Noj Mola'ayil Ajjets' A'almat'aano'obil ti' Quintana Roo <https://www.congresogroo.gob.mx/>:

1. Ti' u táan óoltal ti' kúuchil tu'ux ku k'ama'al ju'uno'ob ti' U Noj Béeytalil A'alamajil, ti'al yóok'ol u beejil Esmeralda xookil 102 ti' le Colonia Barrio Bravo, ti' u Noj kaajil Chetumal, Quintana Roo, le k'iino'ob lunes tak viernes ichil u yóorail ti' 09:00 tak 15:30 óorail, wa

2. Yéetel ti' le correo electrónicoil consejoconsultivo2024@correo.congresogroo.gob.mx, beeta'an chéen uti'al u k'ama'aj le tuukulo'ob uti'al le ts'a'abilo' ti' U Múuch'tambalil K'áatchi'il ti' u Mola'ayil ti' Ts'a'abal K'ajóoltbil Nu'ukbest'aan yéetel U Kaláanta'al u Dato'ob Máako'ob ti' Quintana Roo.

ÓOXPE'ÉEL. U Noj Mola'ayil ti' P'isil A'almajilo'ob yéetel Técnica Parlamentariail ken ts'o'okok le jaats k'iino'ob uti'al u k'ama'al le tuukulo'ob, yaan u yila'al wa le je'elo'obo' chuukano'ob yéetel le ba'axo'ob ku k'ata'al ti' le Yáax Chúun ti' le Paayalt'aana'.

KAANP'ÉEL. Ti' le ba'ax ken jóok'ol ti' le xak'alil, U Noj Mola'ayil ti' P'isil A'almajilo'ob yéetel Técnica Parlamentariail, wa ku k'abéetchajal, yaan u páaybe'entik le noj najil xooko'ob ti' xma' bo'olil yéetel ti' bo'olil wey t noj Lu'uma', je'el bix le múuch'kabilo'ob ti' kajnáalo'ob, ti' u kúuchil ts'aba'an uti'al u yu'ubiko'ob yéetel u k'amiko'ob ts'iibju'uno'ob wa ti' correo electrónicoil, uti'al u chúukbesa'al le nu'ukbest'aan ts'aba'an uti'al, ichil le ts'o'ok ma' tu páajtal u chowakkiinsa'al máanja'an ti' ka'ap'éeel k'iinmeyaj, xooka'ano'ob ti' u paach k'iin ku ts'abal le ts'iibju'unil ku beetiko'ob le páaybe'ent'aano'.

Ken ts'o'okok le jaats k'iinilo'ob ma' chúukbesa'al le ba'axo'ob páaybe'ent'aano'ob beetal ti', yaan u tselilkúunsa'al le tuukulo'.



Wa ku yaantal jump'éel páaybe'ent'aan yaan u chúukbesa'al le ju'uno'ob ts'iibta'an, ts'iibju'una'an ti' correo electrónicoil, yaan u kuuch le máaxo'ob ku áaktantiko'ob a'almajilo'ob ti' le múuch'kabilo'ob ti' kajnáalo'ob yéetel ti' le noj najil xooko'ob, u kaláantiko'ob u k'a'ma'al, je'el bix u túuxtiko'ob nu'ukt'aan electrónico tu'ux tu k'amo'ob. Wa ku máan ka'apéel k'iinmeyaj, xooka'ano'ob ti' u paach k'iin túuxta'an le ts'iibju'unilo' ti' le páaybe'ent'aano' ti' correo electrónicoil, xma' ila'al u táan óolalil ti' le ba'ax k'atabo', yaan u tselilkúunsa'al le tuukulo'

JO'OP'ÉEL: Ken ts'o'okok le jaats k'iinilo'ob ti' u xaak'alil ti' le ba'axo'ob k'áata'an yéetel ti' le a'alano'ob, wa yaan beeta'abi', U NojMola'ayil ti' P'isil A'almajilo'ob yéetel Técnica Parlamentariail, ichil u paach le yóoxp'éel k'iinmeyaj, yaan u beetik jump'éel ts'ok jets'tuukulil tu'ux kun yaantal u tsoolil le k'áaba'ob ti' le máaxo'ob báaxalkuuchilo'ob u yaantaltí'ob le ba'axo'ob jets'ano'ob ti' le jaatsts'iibil 68 ti' le A'alamat'aanil ti' Sáasilkúunta'al yéetel u Ts'áabal K'ajóoltbil Nu'ukbest'aan ti' Kaaj uti'al u Noj Lu'umil Quintana roo, yaan u múuch'ik u ba'alju'unil uti'al jujuntúulil ti' leti'ob.

U tsoolil le k'áaba'ob ti' le máaxo'ob báaxalkuuchilo'ob tu chúukbeso'ob le ba'axo'ob k'áatati'ob unaj y ts'a'abaj ojéeltbil u ts'iibilju'unil ti' u kúuchilil ti' le Noj Béeytalil A'almajil, je'el bix xane' ti' electrónicail ti' u portal ti' U Noj Mola'ayil Ajjets' A'alamat'aano'obil ti' Quintana Roo <https://www.congresogroo.gob.mx/>.

Le kajnáalo'ob, wa u k'ajóolo'ob jump'éel ba'axtelil wa beeta'abil ti' k'ank'uneilkuuch ti' le máaxo'ob táak u táakpajalo'ob je'el u páajtal u ts'áaik ojéeltbil yéetel ts'iibilju'un ti' U NojMola'ayil ti' P'isil A'almajilo'ob yéetel Técnica Parlamentariail uti'al u yojéeltiko'ob tu beelal.

Le ts'ok jets'tuukulo' unaj u táan óolta'al ti' u ch'a'óolta'al ti' le Jach Utsil XVII A'almajil ti' u Noj Lu'umil ti' Quintana Roo, uti'al le ts'a'abilo' le kaantúul máako'ob



múuch'tambalnáalo'ob ku taakpeskuba'ob ti' U Múuch'tambalil K'áatchi'il ti' u Mola'ayil ti' U Ts'áabal K'ajóoltbil Nu'ukbest'aan yéetel u Kalanta'al Dato'ob ti' Máako'ob ti' Quintana Roo, yéetel u yéebalil ti' le ka'ajaats ti' le máaxo'ob ku táakpajalo'ob ti'ano'obi' ti' le A'almajil ti' le Noj Lu'umo', táan óolta'ab u kéetelil xiib yéetel ko'olel.

WAKP'ÉEL. Le máaxo'ob báaxalkuuchilo'ob tu chúukbeso'ob le ba'axo'ob k'áatalo'ob unaj u táakpajalo'ob, je'el bix chéen u'ulabo'ob, ti' le múuch'tambalilo' ti' le Jach Utsbe'enil XVII A'alamajil ti' u Noj Lu'umil ti' Quintana Roo tu'ux ku yúuchul le ts'a'abilo' ti' le máaxo'ob múuch'tambalnáalo'ob ti' U Múuch'tambalil K'áatchi'il ti' le Mola'ayilo' ti' U Ts'áabal K'ajóoltbil Nu'ukbest'aan yéetel U Kalanta'al u Dato'ob Máakilo'ob ti' Quintana Roo. Ts'o'okole' le máaxo'ob ts'a'aba'ano'ob yaan u ya'aliko'ob le jaajt'aan ti' le a'almajt'aanil ku k'abéetiko'.

WUKP'ÉEL. Le Jets'nojt'aanil u yaantal ti' le ts'a'abalilo' ti' le kantúul máako'ob Múuch'tambalnáal ti' U Múuch'tambalil K'áatchi'il ti' le Mola'ayilo' ti' U Ts'a'abal K'ajóoltbil Nu'ukbest'aan yéetel U Kalanta'al u Dato'ob Máakilo'ob ti' Quintana Roo, ichil el ba'axo'ob jets'ano'ob ti' le jats VII ti' le jaatsts'íibil 72 ti' le A'almat'aanil ti' U Saásilkúunta'al yéetel U Ts'a'abal K'ajóoltbil Nu'ulbest'aan Kaaj uti'al u Noj Lu'umil Quintana Roo, yaan u túuxta'al u ts'a'abal ojéeltbil ti' u Tsalaj Noj Jala'ach ti' u NOJ Lu'umil Quintana Roo yéetel ti' u portal ti' U Noj Mola'ayil Ajjets' A'almat'aano'obil ti' Quintana Roo <https://www.congresoqroo.gob.mx/>.

WAXAKP'ÉEL. Je'el bix jets'a'an ti' le kamp'éel xóot' ts'íib ti' le jaatsts'íibil 13 ti' u Noj A'almat'aanil ti' le Noj Lu'umo' Jáalk'abil yéetel Tsikbe'enil ti' Quintana Roo, tuláakal le ba'axo'ob a'ala'an ti' le Payalt'aana' ti' le xíibil máako'ob, bey xan uti'al ti' le ko'olelo'obo'.



BOLOMP'ÉÉEL: Le ba'axo'ob mina'an ti' le payalt'aana' yaan u jets'el yéetel u jets' óolta'ak tumen máaxo'ob ku táakpajalo'ob ti' U NojMola'ayil ti' P'isil A'almajilo'ob yéetel Técnica Parlamentariail.

LAJUMP'ÉÉEL. Le payalt'aana' unaj u ts'a'abal ojéeltbil ti' Tsalaj Noj Jala'ach ti' u Noj Lu'umil Quintana Roo, ti' ka'apéel tsalaj ku séen xo'oko' wey t Noj Lu'uma' yéetel ti' u Portal ti' U Noj Mola'ayil Ajjets' A'almat'aano'obil ti' Quintana Roo <https://www.congresoqroo.gob.mx/>, ich castelan t'aan yéetel ti' maayat'aan.

YÁAX LAJUMP'ÉÉEL. Káaj u meyaj u Jo'opóopil ti' Xak'alil A'almaj A'almajil ti' le Noj Béeytalil A'alamajilo', uti'al u yáantik le Jach Utsbe'enil XVII Legislaturail ti' le Noj Lu'umo' ti' Quintana Roo yéetel ti' U NojMola'ayil ti' P'isil A'almajilo'ob yéetel Técnica Parlamentariail ti' u meyajil ti' le ts'iibju'uno'ob yéetel le ba'ax k'abéet u beeta'al ti' bix kun beetbil le meyajo'.

Péek óolo'ob yéetel sásilo'ob

Túuxt ti' le correo electrónicoil

consejoconsultivo2024@correo.congresoqroo.gob.mx

Nu'ukulil t'aan 9831644693 ti' le Secretaría Técnica ti' U NojMola'ayil ti' P'isil A'almajilo'ob yéetel Técnica Parlamentariail.

NOJ KAAJ TI' CHETUMAL QUINTANA ROO TI' LE 25 K'IINILO'OB TI' U WINALIL JUNIO TU JA'ABIL 2024

DIPUTADO PRESIDENTE:

C. ISSAC JANIX ALANÍS.



ESTADO DE QUINTANA ROO
PODER LEGISLATIVO
XVII LEGISLATURA CONSTITUCIONAL

DIPUTADO SECRETARIO:

C. RICARDO VELAZCO RODRÍGUEZ.